

We besedaed durdaggega



We iduwigine, nue selegega buggidar sunmaglenai, Mimmigan udurdagedganga, babganga, nangnaga, agguedmarga ise binsale we sabga issegwad gi sunmagega. Elena igli mar ebo danaggwa bendasad. We cuento gi dogar naid arbalegedmar, omegan emar idued, mimmigan bular neggwebur bendagged, sabbur naid bendagega, ammar daed, sun ebulesale anmar burba seledaniggid, emar idued oganguera, Mimmigan, Elena anmarga binsaed ugnaidgi, abelege omegan idued ogannoged nue bulale arbalegega.

Ogannoe neg gusmaladna gwamaggar urbed, sogedgi arbamalad. We imagmaidba, ega sunmagdid nueggwa sogoe, we gaya burba magasar iddoedse afbalegoed, daegmar egi binsas we sabga gi.

Idued gangued nigga

- Ninierba, nueggwa urbeb wisidi, arbaed nued sed, nudagega boni nigga sogele. We sabga issegwad gi binsaed uggnaed Elena imasadba na oyonai wargwen (diwar isggunai), e inse amide, nudagega ar weob inniggigwa igar amiledoe gwenadganga. Elena Magasar dagge edamalad binsaed niggamaladgwenadgan ega sumagge arbaed nosadgi, neggweburga ar we sunsoggedi gannar na sunmagdebali emar iduedi danar urbed, nuedi igar nudagega negwebur Digir ga bela bea abelege bendaged.

Emar idued binsaed nigga sae Diputada Rios, ar wedeidudmoga Elena sogsadba e sordaganga degi sesa asamblea nacional se igar nued se moega sabga durmaigba anmar dendaged gebe sabbur dummard naidba.

- **Igualdad / Ammar bela emarbii:** beagwable, belegwable abelege anmarga ugged immar saed, ammar nuegan daed, magasar sabgued wisi na bialid dibe, eugga dagleged ome ar masmala dibe, e bunamala, sabbingan dibe, ar sun immar idued ga gusmogale. Elena e sordagan, yaganamar, susmar sun onasgue, ogabali sogedgi na binsaed ega sunmalad ganguega.
- **Cooperación / Na bendagmala:** we sabga issegwad gi, ega sunmaglenaidgi negwebur digir yaggi sordagan gundimalad. Be danar arbaddibe, nabir negwebur nugued.
- **Responsabilidad / Sogedgi be immar saed:** belagwableanmar gudimalad neggwebur sorda sogele, bendaglegergebe ise naggulegale. Degi soglege. Ani an suli. sabga issegwad gi sunmaglenaid gi dulemar mer abingaega, sogdemala mer egi addaglegega, ar degi buggidar samarmoga. Buggidar nabir samarmoga degi Elena we susgu magdagde egi sigisa immar sogedgi saed, Diwar bendagged.

We gaya burba igi soledge

- **Diputada/diputada:** Neggwebur nuggi si yar suit marga, neggwebur senigana boddo abargi sulegala, nue arbaega, onasgued, burba nigga si, anmmar burba bendagega, yar suid naig gar moga. E arbaed diputada/o weobi neggwebur nuggi arbaed bendaged gwenadgan ibu abelesii, igarvduummagan sobedi, ise daggale mani burba ebulemaidgi.
- **Asamblea Nacional / Onmagged Dummard:** We neabbali diputado/a mar igar dummagan soblenmai, nue igarmar selenaidgi, yar suidga magasar daglegega, we egi arbamalad belagwable.
- **Ciudadano / Dulemar:** Yar suidgi gudimalad, gwenadgan yar suidgi gudimalad ar nigga gudi e daed nabir danar danar gudi yabba dogeb. Gwenadgan bendage, neg nudaged na bia gudimaldgi. Ar soglebali nabir gudi ar yar dummard naidgi nabir be subali bega yar dummard naidgi nue seega, diputadomarse, bela neggwebur nuggi gormaggega aggala nugsaglesale boddo gi.
- **Comarca Ngäbe Bugle:** Gwaboo neggwebir dogar si, we comarca yabbali- Ngäbe Bugle dulemar buggwa. Dulemar ilaboo gwena nue nabbagi emi magasar daglege Panama yaurgi. We neggwebur gwabowadgine nue ega yar uggesmoga Panama Yaurgi, nugsales Comarca.
- **Chacara:** Sabbi nuga Pita, aggine we garbi gi soblesi e sabgagaagine na gusgu sedanimala, Ngäbe Bugle mar ar agine nabir goegan selege, ar seniganse baggale immar burwigana selegega.
- **Corotú:** We sabbi dulagwen sugue nabir sugudabali dulagwen gaggambe addale s, Nega dinnagangi dungue geb negdiobbiguadgi nebamargi. Eduddumarse nanamal, bulu, mommor, Sabbi urbani gusgu gwenaggan abangudamala, nabir mamagega neg gusmaldgi, sunmage, dodoge, ar igar nuedse amiega guen neg bonigan naidie.

Egiseb- egi binsaed

Arbalegoed

Egua mar

¿Doa Elena ¿Iggi daed?
¿Ibumar saed wisi?

Danar odurdaged neggi urbo, danar abaggusdibe narmagmani sao, Elena gi sunmagmao, ar sorbalina ebo dagmalo, bule na emar narmagmasdibe sr ebo aggardibe.

Emar idued, na emarbi sogedgine gudimalad

Eneggweburgi ubi Elena ogwabie?
Igi amisale

Ibu mar be onusadagsale, be neggweburgi, be sabga durdagedged nega gi, igi be arbaed ilemagsale nudagedgedse. Doa se be gossale be bendagge ga?

Emar idued, na emarbi sogedgine gudimalad.nuedgi gormagged neggweburgi.

¿Elena binsaed nuegan dagsa esordagangi?

Besordamargi immar nued wisidaed, sedimalad narmagmao.

Emar idued, na bendagmalad, gwable arbaed sordagan, emarga oyoed.

Ibu obarisa Elena, sogdegu ammar burba bendagergebe? ¿ar ibiga sunsogedisabbur naid bendaged?

Odurdagedged neggi, nabba ollor naid, duddu digar naid nagabali, be neg diggarbali, ú iggy amie ise naggulegale, ise daggar. Igi arbamala, igi na se gormala, be sabgagine narmaggo igi be dagsa.

Sabbur dummad bendagedged, immar idued omegan, sogedse arbamalad

¿Diputada igi nuga? Ar ibu sae diputada ar wegi sunmaggenaidigi

Es be gole diputada ome, massered dibe, sabga sogwen absogega, immar odurdagedgedgi, sogegala ibu Asamblea nacional yaggine soggegala, igi arbabugmala, igi neggwebur mar bendaggega, nudaggega, neggwebur dummgagan seniganase.

Bela neggweburga arbamalad, magasar daggged sogedgine

¿Elena e gwenagmarbo bia danimala? Ibu immar dagde emor yoyo malaggine?

Nuedgi be soge Ibu Comarca Ngäbe Bugle. Ibu obare Chacara, ibu sae. Elena we sabga sobar naidgi. Dule wargwen gi ese gole neggweburgi guddid sunmaggega anmar aded sabbur dummad naiggi.

Andaed aggala, aggala an magasar dule daggged

¿Sabga sobar naidgi nue be dagge igi bega soge be dagge neggwebur gi we sunmaggenaid gi?
Igi neggwebur Digir daglege?

Nue be dagge immar durdagedged nega, benegmal anagbali mamaid, be neggwebur. ¿igi sunna, Ibu gayammar be ebusale nue magasar iddoged se? Be diggarbali sabbur dummad naidgi.

Sabbur sabguale, an wise egise naggulegala.

